


天下九土皇靈今日上告萬仙定名我願神  
仙請投玉名上府太皇勅除罪刑奏簡上宮  
列簿華清早得飛騰天地同靈九祖種親腐  
骸更榮魂升南宮受化仙庭吉日告命萬神  
咸聽請以金龍表盟至情請如所告金龍驛  
傳


次捻香  
次復鎮  
香官使者云云  
正一法文經護國醮海品

元辰章醮立成曆卷上  
壇圖法



階二

元辰章壇四門符



右懸四門上

於黃壇之上若中庭淨地立壇壇方二丈四  
尺五方各安香爐懸當方色幡蓋及燈方各  
七枚合二十八內方方又七枚其盤中注一  
二者是酌酒次第明立勝貼左右異行勿令  
迷謬也

章信

鎮壇信錢一千二百文白米一石二斗白素  
四十尺算子一百二十枚清油一斗二升青  
絲線一百二十尺金人一形金錄一雙書刀  
一口紙一百張筆兩管墨一挺淨席一領朱

一兩香一斤銀條脫一枚  
右一十六件備天官儀信人各辦之唯夫妻同年共屬一宿一天府得共此亦從貧富量之

醮法

五方香案非舊香案須方色中香爐五具并酒樽六杓五色緞及幡五帝大幡五首白米一大斗棗栗雜果各一升時新果子多為佳五色紋繒俵方數好酒五斗白脯三斤油煎米麩各三種和纂十六枚長一丈二尺三節茅縛左經二燈三十六并纂五方二十八宿中淨十六丈燈三領歷席白布二疋盟鼓各五升分五方盤四十九面壇內十二五帝五北斗七蓋八十六口外十四口  
右前件醮具飲食種種羅列並令精潔甘美所營造飯食必須清淨香湯沐浴然後造作糗食自不精者不須入也  
羅列訖次的酒先從五帝盤東方起左迴次的七星先從魁向兩次酌三台左行次的十二時神從亥子左迴訖成次的二十八宿先

從東方角宿起左迴訖至軫三行酒訖次閉目內思相見天地神祇一切森林羅列然後來到

次勸纂符呪

臣謹勸直符將軍甲子諸君誰直今歲誰直今月誰直今日誰直今時誰入靖拜章斷絕衆精有邪斬殺急急如律令

次向天門呪

天地開張鬼道相亡今日安壇臣欲奏章西北之維戌亥中央天門在此執錄不祥急急如太上老君律令

次向地戶呪

生炁流通百邪萬精不與真同今日奏章乃立壇場東南之維辰巳中央地戶於此收錄凶殃急急如太上老君律令

次向鬼門呪

陽光流明百邪不生今欲奏章先立壇庭東北之維丑寅中央鬼門考鬼執錄邪精急急如太上老君律令

次人門呪

出陰入陽太上使我五內開張大神聞之皆走嚴裝今日奏章西南之維申未中央收攝百鬼何有敢當急急如太上老君律令

次入壇從天門入至東方香案前上香叩齒九通呪

東方九炁青天明星大神煥照東鄉洞映九門轉燭陽光掃穢除氛開明童子備衛我軒收魔束妖上對帝君奉承正道赤書王文九天符命攝龍驛傳普天安鎮我得飛仙

次至南方香案前上香叩齒三通呪

南方丹天三炁流光笑星轉燭洞照太陽上有赤精開明靈童總御火兵備守三宮斬邪束妖剪截魔至北帝所承風火八衝流鈴交煥敢有不從正道流行我享上功保天長存億劫無終

次至西方香案前上香叩齒七通呪

西方七炁素天太白流精光耀金門洞朗太冥中有素皇號曰帝靈保神安鎮衛我身形

斷截邪源王道正明宮殿整肅三景齊井道  
合自然飛昇紫庭靈寶符命普惠萬生功加  
一切天地咸寧

次至北方香案前上香叩齒五通呪  
曰

北方玄天五炁徘徊辰星煥爛光耀太微黑  
靈尊神飛玄羽衣備衛五門檢精捕非敢有  
干試豁落斬摧王符所告神真八威邪門閉  
塞正道明開映照我身三光同輝策空駕浮  
舉形仙飛

次至中央香案前上香叩齒十二通  
呪曰

中央黃中理炁總統玄真鎮星吐輝流煥九  
天開光童子一十二人元炁陽精焰上朱煙  
洞照一宅及得我身百邪摧落殺鬼萬千中  
山神呪普天使然五靈安鎮身飛上仙

又別五方呪文用之與前同拜章立  
壇兼用並佳

東方開明招真大神身著青衣黑幘身廣百  
步頭長柱天至食邪鬼口容山嶽朝食五百

暮嗽萬千十五五合衣而吞

南方丹天三炁君赤衣赤幘領赤神王至捕  
百鬼須肉萬斤太陽使者繫火幡各課一條  
得便分肉餒食血流津

西方七炁白天君白衣白身身長萬丈面黧蒼

手持大鐵棒空中飛至捕百鬼得便夷嗽肝  
食肺我世資太白助司并靈威

北方黑靈太微君好生惡殺五炁尊辰星助  
化衛侍端開福閉禍拔幽魂无量之邪不敢  
干收魔束魁付帝君

中央黃帝中宮總御四方玄真禮敬斬魔王  
五星安鎮當照匡五香爐尸穢不起六天邪  
精不敢當今日誦呪萬鬼亡一十二人主陽  
先照比宅觀身丁強

先叩齒二十四通發爐

太上玄元五靈老君三炁正神急召臣等身

中五體真官三五功曹上下大夫左右龍虎  
君捧香使者傳言素女執案童子各二十四

人尚書僕射通事小史十二人急上開啓  
无上三天玄元大道十方太上臣等正爾謹

為某乙分解災厄燒香啓願得八方正炁  
入臣等身中所啓速速還御

太上玉皇帝几前

次誦迎神讚

今日祠五帝 口奏歸玄虛 自然通生靈

落落長夜書 請命元為門 委託東帝夫  
官事悉解散 百病一切除

晃晃五帝常安不傾能化一切蝗飛有形  
天地之位 與道俱生 處高不峻 處飛不傾  
處幽不顯 處濁不清 剛柔隨俗 名之曰靈

今欲消災 殺鬼魔兵 清酒鹿脯 歸迎太明  
五帝享之 施其長生 司命益算 更上生名  
堂堂比戶 知人死籍 今日口奏 玄女龍驛  
當留家親 誅戮惡逆 病者康寧 繫者解釋  
與聖俱遊 名上玉曆

次長跪

具法位係天師某治炁祭酒云某等稽首拜  
拜謹奉請東方九炁君東嶽泰山府君岱宗  
向芒青帝君崑崙星君南方三炁君南嶽衡山  
府君祝融赤帝君榮感星君西方七炁君西

嶽華山府君華收白帝君太白星君北方五  
炁君北嶽恒山府君玄冥五帝君辰星君中  
央十二炁君中嶽嵩山府君軒轅黃帝君鎮  
星君願賜來臨

奉請東方九夷甲乙君寅卯青帝解厄神君

南方八蠻丙丁君巳午赤帝解厄神君西方

六戎庚辛君申酉白帝解厄神君北方五狄

士癸君亥子黑帝解厄神君中央三秦戊己

君辰戌丑未黃帝解厄神君願賜來臨

奉請東方歲星君東辰東斗君角亢房心

尾箕七宿解厄君南方參星君南辰南斗

君井鬼柳星張翼軫七宿解厄君西方太白

星君西辰西斗君奎婁胃昂畢觜參七宿解

厄君北方辰星君北辰北斗君斗牛女虛危

室壁七宿解厄君中央鎮星君中台君中斗

君魁魁魁魁魁七宿解厄神君等並願

慈光特垂降臨某等再拜用獻芳醪

初獻酒

奉請天上解厄神君地上解厄神君日月解

厄神君司令解厄神君四時解厄神君解元

辰星君解勾絞神君解大殺小殺神君解律

刑曆刑君大會小會君解厭元會元君却殺

厄四時司令君五星司令君五帝司令君五

嶽司令君六甲司令君七星司令君天官司

命君地官司命君水官司命君土官司命君

中真土公司命君某家大人司令君某家電

君司令君當路司令君直歲司令君直月司

命君直日司令君今時司令君某本命司令

君某胎司令君某生月司令君某行年司令

君九州社公社令社稷真官里域真官八部

神將土地真官諸神君等降臨位座某等再

拜用獻芳醪

二獻酒

巨某上啓凡以凡陋天性頑鄙曲蒙玄慈所

建師老垂恩受法之日引五係七證上謁

三天皇老玄尊中明十方下與萬靈為契師

真要言約當佐天理悉助國扶命救生度死

為一切橋梁但為俗運凋零鬼神交會三災

流行瘟疫狂邪無處不有四百四病布流民

間衆厄五纏難可聞見凡有歸告不敢抑塞

不勝所見謹有某州縣鄉里官男女生人某

年若干歲辭云云災厄深重胎年生月之上

為魁罡所臨衆忌互加凶災臨身行年本命

之上並見羅網所纏本命支干生月支干並

相尅賊惡星醜宿臨身或四殺所加五鬼所

尅或六害所臨七傷所損或八風圍繞九厄

運行招延不利致疾病淹篤顏容消羸氣力

衰微隨病云云無數或恐魂魄飛揚或經險

難或隨沒山泉鬼牢之中或被邪魁纏繞衆

魔拘執官府百節各有司守精神弗爽百禍

自臻天有否剝災害因生人有衰厄亦罹災

殃算命窮盡應有凋零或三元絕災事沒明

堂或年命支干墮於孤虛沒滅之中年命運

值太歲不祥之辰或九官八卦更相傷絕或

五鬼四殺乘隙生災或五藏空虛四方刑禍

八風毒氣與九醜等鬼世上故悉姦邪魁魁

自勞冷入人身中屯結五藏遊行骨髓扇動

七魄内生姦賊肉人頑愚愛惜身命貪生畏

死不知修何功德可以自拔伏聞

太上大慈好生惡死開天張地養育蒼生罪

無輕重皆許首悔無大無小開其解救黃帝之時人民上壽百二十歲中壽百歲下壽八十歲三期已下皆被天枉其今既遭災厄是以敢於考掠之丁披肝露心謹費命米白素五方五色紋繒筭子清油酒脯香餅甘果續

命青綠金人金錄朱香銀條脫書刀筆紙墨五方度命備淨席等件別見到求乞解除厄會置拔命簿之具羅列尊神之前伏願所請度厄尊神算命府君東王父西王母典籍拘注君司命眾神咸在座中交酒集義垂恩降

福司命司錄上請九天推尋其乙錄籍知命長短災厄深淺所在乞上除天曹右官黑簿下輟太上三官死籍更上生名某等拜拜用獻芳醪

次獻酒

若某壽命不長乞加其大尺若樹木枯槁乞潤其脂澤若倉穀之少乞加其斗斛算命窮盡乞為加算益壽命短乞續有災乞消有禍乞滅有衰乞扶有厄乞度有鬼乞收羅網乞解轉禍為福易亡為存迴停漏刻東斗主算

西斗記名北斗却死南斗上生若某先世以來有盤結某考子今不散者乞為上解曾祖天曹考害之悉下解後死地祇精崇願除某身中災害隨元拔擢若某絕命在東方願請北方坎神五部官將滅鬼除凶延度厄難若

某絕命在南方願請東方震神九部官將滅鬼除凶延度厄難若某絕命在西方願請中央鎮君十二部官將滅鬼除凶延度厄難若某絕命在北方願請西方兌神七部官將滅鬼除凶延度厄難若某絕命在四維願請南

方離神三部官將滅鬼除凶延度厄難伏願東方歲星君東辰君東斗君角亢氏房心尾箕七宿君東嶽泰山君九夷君甲乙君寅卯君乞為某上解天曹考結下解東方九萬里中地祇精崇中除某肝中厄病消滅東方青

凶青表青毒木神木害保護某正月二月三月木玉相時七十二日並乞蒙恩過度伏願南方熒惑星君南辰南斗君井鬼柳星張翼軫七宿君南嶽衡山君八蠻君丙丁君巳午君乞為某上解天曹考害下解南方八萬里

中地祇精崇中除某心中厄病消滅南方赤災赤厄赤鬼赤毒火神火害保護某四月五月六月火王相時七十二日並乞蒙恩過度伏願西方太白星君西辰君西斗君奎婁胃昂畢嘴參七宿君西嶽華山君六戎君庚辛

君申酉君乞為某上解天曹考害下解西方六萬里中地祇精崇中除某肺中厄病消滅西方白災白厄白溫白毒金神金害保護某七月八月九月金王相時七十二日並乞蒙恩過度伏願北方辰星君北辰君北斗君斗

牛女虛危室壁七宿君北嶽恒山君五狄君壬癸君亥子君乞為某上解天曹考害下解北方五萬里中地祇精崇中除某腎中厄病消滅北方黑災黑毒黑害黑病水神水厄保護某十月十一月十二月水王相時七十二

日並乞蒙恩過度伏願中央鎮星君中斗君璇璣君魁魁魁魁魁七政君中嶽嵩山君三秦君戊巳君乞為某上解天曹考害下解地祇精崇中除某脾中病厄消滅中央黃凶黃厄黃災黃毒土賊土鬼保護某辰戌丑

未之歲三月六月九月十二月各十八日四季之時合七十二日孟乞無他其深憂慮遂仰希尊神靈恩稟祐得免災厄合家存濟某等再拜用獻芳醪

次獻酒

又願解其年上已來刑厄願解縣官牢獄刑厄願解出入往來逢鬼刑厄願解杖拍之厄願解相觸忤先靈刑厄願解犯靈神之厄願解短命刑厄乞解算盡刑厄乞解五鬼四殺刑厄乞解六害七傷八難九坎刑厄乞解虎狼蟲蛇蜂毒之厄乞解災害哭泣殃疰刑厄乞解亡魂惶怖刑厄乞解刀兵流血刑厄乞解繫縛枷鎖刑厄乞解牛馬觸踏刑厄乞解七財失利刑厄乞解金木水火土刑厄乞解五行相害刑厄乞解天年歲星刑厄乞解孤辰寡宿妨吹刑厄乞解建破呪詛厭禱刑厄乞解死症被考刑厄乞解犯法違科刑厄乞解連神負鬼妄語不賽考至災厄乞解天厄乞解年厄月厄日厄時厄大厄小厄二切厄以

時釋散某等再拜用獻芳醪

次獻酒

又塔眾尊神仙官將伏乞停龍息駕安隱座席某等謹為某推課元辰章表文辭結博恐傳言奏事一時罔能羅觀恩惟尊神留連宴喜聽臣等為某拜章上聞

上章法

叩齒九通出官日東北

謹出臣等身中五體真官功曹吏出上仙上靈二官直使功曹官各二人出正一功曹官各二人出治病功曹官各二人出左官使者官各二人出右官使者官各二人出陰神決吏官各二人出陽神決吏官各二人出科車赤符吏剛風騎置驛馬上章吏官各二人出直使功曹戴通天之冠衣皂統單衣正一功曹冠朱陽之憤絳章單衣腰帶龍頭之劍操持謁簿使者玄陰之憤戴九德之冠五色綬命單衣腰帶虎符齊執玉板直使功曹住立四方正一功曹住立中央左官使者持幢在前右官使者建節在後陽神決吏立左陰神決吏立右右請靈威仰仁官使者九人出赤

標弩禮官使者三人出耀魄寶義官使者七人出叶先紀智官使者五人出舍樞紐信官使者十二人出巨神決吏九人出朱丹真吏八人出鄒上玄吏六人出石玄元吏五人出黃忠正吏三人出馮脩未隱娥侍者三人出祝蒼翳逸寥侍者九人出幼太立靈素蘭使者七人出定羽張結連翅侍者一人出呂公子馮夷侍者五人出陽明陰精真人玄冥丹元北極天關直符直事各七人出帝晨上尊傳命持節各九人出无上青赤治病功曹官各二十人出三部功曹三部使者高車使者各二十四人出陰陽太監吏各十二人出中騎驛候討平炁將軍各五人出狼吏虎賁察茲鈎騎三官僕射天驕甲卒天丁力士官各二百四十人出五方童子雲中小吏監天童

子各二百四十八人出收神食神吏各一百二十人出化神歷旗剛風將軍導炁左右騎將軍各五人出延請赤素君陽光君官將各一百二十人出白素君陰光君官將各一百二十人出出者嚴裝顯服正其威儀住立臣前

後左右咸受臣口中辭語分別開啓必令通達此間某州縣鄉里里中真官注悉監察考召社里邑君道上二玄三元四始甲子諸官君七十二官君四面方位三官考召並明臣等所奏同心申騰上啓

太上無極大道道中之道神明君王皇帝太上老君太上丈人元上玄老天師嗣師係師女師三師君門下典者書佐小吏奉行文書事臣等謹為某州縣鄉里男女官生恭拜上分解宿命元辰解羅釋網拔度生死申算益壽代形解厄連紙口啓章一通并表狀露在此靖中中庭素案之上願上官典者垂神省理某稽顙伏地實信當章如法臣等開函伏讀上聞

次讀章

次送章叩齒十二通

臣謹重勅身中五體具官直使正一功曹書佐小吏皆各嚴裝顯服冠帶垂纓頭戴夜光之璧腰帶龍淵之劍五色之綬簪筆幹持錄為臣等及時操元辰連紙口啓章并表狀上

詣

太上三天曹即日詣某曹某官隨章進對隨事分別上啓

太上老君天師嗣師係師女師二師君門下生炁諸君將吏臣等伏自尋省人微骨賤運會幸慶得在治錄耳目閉塞役使吏兵或有迷誤言詞不次願請陰陽神決吏四部案章從事傳言書佐習事小吏持龍頭書刀長毫利筆即為注正脫字為益誤字為定無令上官典者有所譴却或有下官故炁鬼賊斷截章文使不御達者收付所在禁獄依玄都科法治罪令臣章運詣

次納官

臣等上章設醮事訖向所出臣等身中功曹使者一切諸官君各從眾妙門而入在左還左在右還右各還官室纏身繞骨彌綸天地經衛百脉無令錯互須召復出一如故事

次送神讚不用念

飄飄五帝輦 蕭蕭七君軒 流輝下降席 享宴咸丹誠 啓奏咸馨徹 落死上長生 南宮益年算 北斗記延齡 愆厄皆解散 福報永安寧 禮謝已將畢 神昇歸太清

次散酒

次普養文

醮祭既畢神駕以昇福祚餘馨普沾賜養召弟子九祖父母七代亡靈悉垂饗覽又石左社右稷城隍里域真官八部僕從功曹吏兵建節力士所由宅神等甘饗醮儀守宅三將軍十二神將二十四鎮神吏門丞戶尉守宅吏兵并竈神吏普同歡饗醉飽為度然後與臣羅列鎮守宅院使災不過門疾不到戶邪精鬼賊莫敢當向盟成正法事在不輕若守鎮有功興福助善三會吉日同章舉遷不得懈怠依法彈糾一如天師律令

次復爐

香官使者左右龍虎君侍香諸靈官當今設醮元辰之所自然生金液丹碧芝英眾真百

靈交會集此香火爐前乞願某乙闔家受福  
天下蒙恩十方仙童玉女侍衛香煙傳奏向  
來言啓運達  
至真無極玉皇上帝御前

次散座讚

三光甚明曜 天地常湛然 人生在其中  
福祿隨運緣 刑殺有厭會 疾厄期命年  
致使砢砢鬼 潛臻禍咎愆 智者歸大道  
精誠五福田 告下皆迸散 壽命與長延  
七祖咸安樂 幽繫並蒙原 出靖稽首讚  
流芳會帝前

次出戶呪

出陰入陽萬神開通關啓事畢請閉黃房守  
靖玉女明備神宮左右伏立萬神潛寧  
元辰章醮立成曆卷上

元辰章醮立成曆卷下

階三

消本命元辰胎生行年元辰等災  
日某本命行年及胎生兩月年命二元辰上  
所被見諸厄魁網天殺或自相為惡或自相  
刑害並各請其子神和釋分解合神保護令  
得無他

次推解法

干曆 甲乙丙丁戊己庚辛壬癸  
惡神 庚辛壬癸甲乙丙丁戊己  
子神 丙丁戊己庚辛壬癸甲乙  
合神 戊己庚辛壬癸甲乙丙丁

右件陰陽干各將配下十二支也

支曆 子丑寅卯辰巳午未申酉戌亥  
惡神 辰卯申酉寅亥子卯午巳寅未  
子神 寅卯午巳申未戌酉子亥卯卯  
合神 子丑寅卯辰巳午未申酉戌亥

右件陰陽支配前干為六甲知其為惡  
取其子合

假令本命甲子則惡在庚辰戌請子神丙寅  
某乙合神己丑某乙第一甲本命某惡在庚

謹請子神某乙從官若干人為某和釋自相  
為惡之災消却本命上所見諸厄魁網天殺  
眾災惡害一切解除之為某土合元炁慶養  
性命又請合神某乙從官若干人為某保護  
本命令得無他第二某乙元辰某惡在某謹

請子神某從官若干人為某和釋自相為惡  
云云其如本命創也其  
中有別格當依六具之消却元辰上云云為  
某合玉香吐玉將水保養元精延度臨終之命

又請合神云云為某保護元辰令得無他第  
三胎月例消却胎月上吐舍和氣保養胎  
元又請合神云云第四生月並如上却生月

上吐舍和炁保養生元又請合神云云第五  
行年悉如前却行年上吐舍元炁保護懸命

又請合神云云第六行年元辰云云如上却  
年元辰上吐雄黃含玉香保護行年元精延  
度臨危之厄難又請合神云云保護行年元

辰某令得無他  
右消年命胎生元辰大略如此其中巧妙  
事由多能

次還神